

Kalâtdlit-nunâta julemærkia sujugdleq

agdlagtok: Poul Madsen

nugterissok: Otto Sandgreen

imailissordlo kîsame tákúpok – kalâtdlit-nunâta julemærkia sujugdlek. pilerssârut nutâjûngilak. ardlakartut ukiut ingerdla-nerine julemærkimik pilersitsiniartarsimagaluarput, sumigdle píssutekarnersumik piviussúngorsimángitsumik.

taimailivdlune julemærkertârnigssak erkarsautinĩtuarsimavok. tauva fru Dorte Hertlingip erkarsaut sarkúmiuterkigpâ, piviussúngornigssâlo nipaitsumik sulíssutigalugo.

tamatuma kingunera uvdlume takuvarput, nāmagsissak pitsauvdluínartok.

kalâtdlit-nunâne julemærkip sujugdliup titartagartarai norrak (tugto), akígssek, uvdloríssat asalússat âmalo kausiut (avangnâta uvdloriâ), tungujortumik, kajortumik, kernertumik kûltiussamigdlo kalipautekarnerningne kussanardluartut.

erkumĩtsuliortok Jens Rosing agsut torratdlaivok taima kussanartigissumik julemærkiliorame taimáitunigdlo ássiliartakartitsivdlune – kalâtdlit-nunât erssa-riigdluartumik titartagartalerpâ.

Jens Rosingip kalâtdlit-nunâta julemærkianut sujugdlermut norrak pingârnerussutut titartagartaliúkamiuk erkuiv-

dluartumik okautigissariaakarpok. tamána sujunertarissaussumut nalerkutdluarpok. julemærkip tuniniarnekarneratigut aningaussautekarfingmik pilersitsinekásaok, mákunúnga atornekartugssanik: „kalâtdlit inúsugtut kalâtdlit-nunânĩtut danmarkimĩtutdlo kultôrekarnermut súngivfingmutdlo túngassunik sulivfiginekarnigssânut.“

kalâtdlit-nunâta agdlagkerivfia sâgfiginekarkârnerminĩtdle mikíngitsumik ikiúsimavok. âmalo mássákut, julemærke kussanartok inermat, kalâtdlit-nunâne julemærke pivdlugo komitê pekatigalugo KGH-mik sulekatigingnigdualerpok kalâtdlit-nunâta julemærkîsa avámut siámarnekardlutigdlo tuniniarnekarnergssât pivdlugo.

kalâtdlit-nunâta agdlagkerivfia kutsavigârput pilerssârut piviussúngorsínautingmago tamánalo anguniardlugo sulekatauvdlualerdlune.

nalautsornerínauvok kalâtdlit-nunâne julemærkip sujugdliup sarkúmernera KGH-p atasimanerminik ukiunik nagdliútorsiutigingningnera nalerkerdlugo pingmat. ukiunik 200-línermut kussanardluínartumik erssiutauvok inuínait piu-

mássusekarnerat pekatigalugo kalâtdlit inûsugtortáinut ikiūkumanermik takutit-sivfiussok.

julemærke kussanartok táuna nunarsuarme frimærkinik ássigissáinigdlo katerssuissartune tupâtdlautiginekardlunilo piumanekartorujugssûsaok, jûtdlimutdlo agdlagkatigut avámut siaruariartúsavdlune taimalo kalâtdlit-nunâta ilisarisi-manekarnera avámut angnertusarnekar-kísavdlune.

kavdlunât julemærkiat ássigalugo kalâtdlit julemærkiat nangminerssortunit piviusúngortitauvok. kavdlunât julemærkiánut komitê pásingnigdluadlune nalunaersimavok kavdlunât julemærkiat kalâtdlit-nunâne niorkutiginekar-kísángit-sok — tássame mærkit táuko mardluk ikiuiniarnigssak sujunertaralugo tuniniarnekartarmata.

kalâtdlit julemærkiata komitâta sujunertarâ ukiut tamaisa julemærkimik kalâtdlit-nunânut túngassumik sanatitsissarniardlune, kalâtdlinitdlo erkumîsulior-tunit ássigíngitsunit titartartítardlugo.

kalâtdlit julemærkimut komitiat ukunínga ilaussortakarpok: fru Dorte Hertling, sujuligtaissok, Lars Chemnitz, kalâtdlit-nunâta landsrádia, Inôrak Olsen, kalâtdlit pekatigît, Arkaluk Lynge, kalâtdlit inûsugtut pivdlugit sujúusersuisso-karfik âmalo Poul Madsen, Hellerupime kalâtdlit igdluat.

julemærke kalâtdlit-nunâne agdlagkerissarfingne tuniniarnekalísaok 1. novem-berimit 1974.

âma uvdormit tássánga autdlarnersumik julemærke tuniniarnekásaok Københavname kalâtdlit-nunâta agdlagkerissarfianit — arkitdle iluitsúkûtârdlugit. mærke atausek 20 ørekarpok, arkimut 10 krûnekardlune. arkit pisiariummassat kanok amerdlatigissut piumagáine akigssait nâmagtitdlugit nagsiutdlugit pisiarniarnekarsínáuput (akilêrêrsínaunerit ássigíngitsut atordlugit, sôrdlo check, giro 13 16 76 imalûnît anvisning) kalâtdlit-nunâta agdlagkerissarfiata frimærkinik niorkutekarfianut, postbox 100, Strandgade, 1004 København K.